

Vorführungen: Mittwoch, 10. April; Donnerstag 11. April; Freitag 12. April 2013. 19:30Uhr
christian: 076 587 07 81

Titel: wir sind Helden!

Mit: Armin Kieser, Carmen Joppen, Claudia Probst, Daphne Avgeris, Fabian Neumeier, Francisco Vogel, Gioia Egloff, Jonas Klemperer, Julian Tanner, Katja Cicala, Kristina Cubel, Laura Garcia, Linda Kost, Lorena Grieder, Luca Zwimper, Lukas Kübler, Marisa Damas, Maša Beslic, Maximilian Fankhauser, Naomi Ferreira.
Klassenlehrerin: Carol Loehr.

Requisiten: bücher, rucksack, blätter, fake-geld,

Kostüm: ein selbstgebasteltes 'superhelden-outfit?

1.: Anfang: Schul' ist aus, man geht nach haus.
Vorhang geht auf.

Ton: 20th century fox fanfaren, jostiband version.

alle stehen mit dem rücken zum publikum da. drehen sich unmotiviert um. Eventuell haben alle einen aufgeblasenen Ballon in der Hand: diesen ablassen: Luft geht raus.

Ton: Schulglocke, die Schule ist aus.

Alle: ändlich!

sie freuen sich wie nach einem weltmeistertitel. plötzlich sind alle wieder ganz ruhig.

maximilian klettert mit einem riesigen schweren schulrucksack auf die bühne. er sich über die bühne und kommt heim. schliesst türe hinter sich.

maxi: halloo, bi dehei.

eltern (verteilt auf verschiedenste spielerInnen):

carmen hoOoi spätzli! schön dass du dehei bisch. z nacht isch i dr mikrowälle, mir hän scho gässe. muzi!

maxi merci.

katja und machsch denn grad s gschirr. du bisch dr letschi.

maxi joo.

dazu bücher aus rucksack auspacken. setzt sich vorne an die kante.

naomi wie isch dr physiktescht gange? du hesch doch so vil glernt.

maxi ehm. super?

christina und hesch dr änglischtest scho zrugbecho? bisch besser gsi als s letscht mol?

maxi nei. no schlächter.

linda ah sehr guet. vergissisch d husufgobe nit, gäll?

maxi nei nei.

daphne mir chönne süscht d franziwörtli nomol dure go, wenn d wettsch.

maxi mhm.

lorena chasch gschwind dinere chleine schwester bim mathi hälfe?

marisa hesch dr abfall scho berat gmacht? morn isch abfuhr?

luca s papier settsch au no bündle, du bisch dra.

jonas ou sackgäld chani dr noni gäh, ha vrgässe uf d bank go. got no e wuche.

masa zimmer ufruume nit vrgässe.

lukas und ich ha di hüt bim zahnarzt agmäldet, kontrolle!
julian und bim coiffeuer au, das gseht jo widr us.
armin ah und dini Lieblingshose hani au in chleidersack do, het jo so vill löcher gha. das isch doch nüm modärn, oder?
gioja chasch no churz für e papi ziggis hole? du weisch doch, er bechunnt fascht kei luft meh, nach em stäge laufe.
lorena und s chatzechischtli settsch au no leere. DU hesch die chatz jo welle. merci.
armin ah und wenn du grad dra bisch, chönsch no dr palästina-konflikt löse?
daphne und klimaerwärig bitte au chli brämse. chunnt süscht nit guet, gäll.
fabian hesch scho e plätzli für s atomändlager usgsuecht? mir warte.
carmen AIDS settsch denn nach de huusi au no heile.
claudia wenn chunnt jez das noie chräbsmittel, wo du settsch erfinde?
armin hesch die AHV jez ändlich sarniert?
linda und die überbevölkerung. tz tz tz. mach mol vorwärts.
laura schaaatz, schaaaaatz: zehn putze nit vrgässe, gäll schatz. s isch zit für is bettli.
die eltern werden immer aufdringlicher. der schüler nimmt seine ganze aufgestaute wut zusammen und drückt mit einer geste alle an die wand.
maxi stoooooooooooooooooppp!
maxi löt mi doch mol in rueh! das haltet doch e mensch im chopf nit us. wie selli das alles schaffe? do miesst me jo superman si oder süscht irgendwelchi superchräft ha... das wär geil. eimol e tag lang superchräft ha.
alle: ou jä!
julian ich bi spiderman und mach so netz: tschiu,tschiu.
jonas ich superman mit so laserauge,
dann alle durcheinander:
ich ha dr röntgeblick, ich cha zit ahalte, ich cha mega schnäll renne, ich fliege, ich super guet rächne, (jede nimmt sich eine superkraft, schreit sie raus und demonstriert sie, dabei verteilt man sich auf der bühne, damit man richtig steht, um ins bett zu fallen)

ton: Gong

alle fallen sofort um und ins 'bett'. schlafgeräusche.

2.: ein neuer tag mit neuen kräften

ton: ein wecker. marimba

jemand steht sofort voller tatendrang auf.

daphne geil, dr wecker lütet und ich bi grad wach und will ufstoh. das isch mol e superkraft.

schaut sich um, die anderen schlafen noch.

daphne he! ufstoh! ich bi scho wach!

niemand will so recht. a hat idee:

daphne schnippt:

ton: alle wecker klingeln gleichzeitig (wecker galore)

alle anderen stehen widerwillig auf. alle nehmen den imaginären wecker und schmeissen ihn

unendlich weit weg. schau'n ihm nach. sind über die eigene kraft recht überrascht.

(wettbewerb, verschiedene varianten?) letzter wecker umringt erde. begutachten sich gegenseitig. sind erstaunt.

alle wuoah. geil.

high five mit schmerzen.

katja ou, ich ha mini huusufgobe gar noni gmacht.
nimmt bücher. liest sie in einem zug durch. lernt alles ganz schnell. nimmt 2 mitstudierende unter die arme.

katja maturi, maturaegue: ich glaub ich bi berat für d matur.
francisco wär brucht scho lerne. ich mach das so.
francisco schnippt. alle stürmen in klassenzimmer. stellen sich in prüfungsposition hin.
francisco weisch, wenni öpis nit sett wüsse:
schielt auf blatt der klassenbesten. mit zoom geräusch.
gioja oder so:
gioja klatscht. zeit steht still. gioja rennt zu einem anderen schüler. schaut nach. schreibts aufs eigene blatt.

christina nei, so:
christina rennt zum klassenbesten, tauscht blatt aus (mit seinem verjäten blatt) klatscht und es geht weiter.

lukas oder so.
geht zum (imaginären lehrer)
lukas ehm, herr lehrer ich ha do e frog. DONG.
haut ihn mit wucht in die erde. die anderen schau ihm nach ins loch. hier kann man wieder isi position wechseln.

jonas spinnsch. wär d macht het, het au d verantwortig. me got sicher nit so mit sine superchräft um.

maxi was? wiso nit? giz do e bedienigsaleitig drzue?
fabian jo, dr gsundi menschevrstand!
maxi dr 'gsundi' mensche verstand? sit wenn isch dä gsund?!
naomi denn in dr mensa:
alle stehen an bei der essensausgabe: francisco ist mensamutter
naomi danke, wievill macht das?
francisco 8.50. e güde.
naomi wievill?
francisco 7.80?
naomi wievill?
francisco 4... zig... rappe?
naomi gibt geld:merci!
carmen wievil? 8.50? voll isi:
zaubert von überall her geld her.
carmen do, do, do, do do, und do. und dr räscht isch für si. danggschön.
francisco e güde! ... gschirr zrug bringe nit vergässe.
luca eh.
er lässt den teller rüber schweben.
francisco merci.
julian waas zrug bringe? so got das!
nimmt teller schmeisst ihn weeeeeeeeeeeeeit weg. tätscht mensafrau nach einer erdumrundung an kopf.

ton: klirr

3.: freier nachmittag und party

naomi und am freie nomittag do rauchi 5 päckli ziggis in 5 minute.
zeigt
naomi und me bechunnt KEI lungechräbs! super-rauch-woman! (pose)

lorena ich iss e kilo chnoblach und i schmeckt trotzdem wie gott. super-chnobli-man.
(pose)

armin ich furz und es schmeckt nit. super-ich furz und es schmeckt nit-man. (pose)

lorena ich schmeck mini fürz no gärn. super-ichschmeckminifürznogärn-woman (pose)

armin ok. und niemer chan en schmecke usser i. BAM! super-nimerschmecktminifürzusseri-
man. (pose)

laura und d periode isch au wäg!

alle jubeln ausser jemand.

maxi periode.... woman?

julian ich gang in sport und gwünn gege jede in allem. (zwischen sportart und bam werden
die sportarten angespielt)

julian schutte: bam. tennis: bam. volleyball: bam. basketball: bam. bowle: bam bam bam
bam! schach! matt! super-polysportiv-man

francisco ich cha im trämmli ässe. bv-bär... (alle schauen) woman?! (alle: erleichtert)

maxi i cha suffice und wird nie bsoffe!

lukas für was suffsch denn? denn chasch jo au wasser trinke.

maxi ok, denn wirdi ab 1 bier mega bsoffe.

lukas denn ischs jo so wie jez scho.

maxi ok, denn wirkt ei bier grad wie alli droge zämme! amy charlie sheen man! (kokslin
als pose)

bierflasche in hand. alle trinken ein bier und sind mega däne.

musik: pari; bart b more / harvard bass

choreo: vor beat: nach hinten lehen und dumm lachen (4). nach rechts laufen (4), nach links laufen
(4), immernoch nach hinten gelehnt wieder nach vorne schauen (4). voll tanzen (4),
dann lukas' besoffenenpose (4x 2 schläge), seili gump (4). dann alle in die mitte:
riesigen ball fassen, aufwerfen (auf 8). er fliegt, und auf nochmal 8 kommt er zurück
und erschlägt alle.

am ende sind alle ausgelaugt und sitzen, liegen rum, oder müssen sich anlehnen/gegenseitig
stützen.

armin aber kater hani natürlich au nie meh! man!

alle sind wieder quick fidel.

daphne und nie meh schlächti lune-woman!

masa ändlich mol öppis für uns und dini eltere.

daphne figg di! ich cha nämmli mini eltere uf stumm schalte! super oropax-woman!

jonas gsehsch übrigens super us, so *unter* dine chleider.

alle bedecken sich (ausser jonas), weil jonas den röntgenblick hat.

katja he du sau, hör mol uf spanne. obwohl:

wendet auch röntgenblick an, die andern ziehen nach:

armin do isch jo gar nüm vill drin, in däm chopf.

maxi isch das e 3ti brustwarze?

christina ui ui. das isch e bösertigs melanom. das settsch go zeige.

katja isch das e arschgweih do hinde?!?

naomi und was isch denn daaaaaaaaassss?

alle lachen. jonas schämt sich.

jonas isch scho chli chalt do, nit?... ich bi dänk nervös. isch schliesslich mi erste dag mit
superchräft. und was mache mer? mir bschisse bi dr priefig. lächerlich.

marisa jo was sell me denn mache?

claudia alte fraue über d stroos hälfte. zum bispil?

fabian und de alte manne nit? du super-sexist-woman!

lukas ich will, dass mi alli geil finde und ich cha ha, wär i wett.

carmen üh, das giz doch scho, däm seit me: fraue.

4.: diskussion über den vernünftigen einsatz von superkräften

gioja hey lüt, dir sit so huere egos, man. jez hän mr ändlich mol superchräft und s einzige wo oich in sinn chunnt isch so belanglose scheiss. superhelde setze sich für s wohl vo dr gmeinschaft i. und erwarte drfür nüt: kei gäld, kei sex, kei 'i like' uf facebook, nur ruhm und ehre bechömme si. aber sogar das isch ne peinlich. will si so gueti mensche sin. und was sind ihr?

jonas jo aso sone hammer wie dr thor, würdi aber scho gärn becho.

masa oder wenigstens e pro-innerstadt guetschin. mit däm chasch nämmlu au im h&m ichtaufe.

armin oder dr zeus, was dä eis ummegmacht het. dä het mit 8 fraue, 12 chinder gha. und eini drvo isch si schwester gsi!

alle die sau. weh. geil ...

maxi aso für das bechunnt dä höchstens e platte als ehrespalebärglemer. meh nit.

lukas oder er döf in jury vo germanys next topmodel.

marisa was für superchräft selle dir dört hälfe?

daphne zum bispil, die dummheit chönne z ertrage.

christina aso chum, nit alli schöne sin dumm. es si jo au nit alli grusige automatisch intelligänt. wie du uns jede tag uf s noie bewisich.

pantomimisch darstellen:

jonas zeig ihre wo dr hammer hangt.

hammerwurf. stein kommt zurück, stein wird immer grösser. hin und her. und ins publikum. sorry.

jemand hat genug:

luca ich bin ein held, holt mich hier raus!

julian aber denn muesch zerst das ässe:

luca was isch das?

julian das sin dämpfti ameisehode, anere iisbär gallesaft vinaigrette mit fliege furz und... so.

lorena das isch läbende tintefisch mit rinderaug, anere änte-bluet sosse im chuezungemantel.

luca das selle vorbilder si? das selle helde si? super helde sogar? aso do isch mer dr trämmlichauffeur lieber, wo gschwind wartet und mi no ine lot. für das bruchsch au keine bsundere fähigkeite, usser nöchsteliebi!

linda oder die frau, wo mi an dr kasse füre lot, will ich nur e ice tea ha und si: 2 wägeli voll zügs.

daphne eimol isch mer eine znacht hinde dri grennt, weisch sone kanak, ich ha scho angst becho, drbi hani mi portmonnaie im bus lo ligge.

carmen oder dä ma wo amene lesbische pärli si some überlot.

jonas was isch das für e leistung? chasch 100'000 vo mir ha! jede morge. die frau, wo amne schwule pärli s chind ustreit, das isch sälbstlos!

masa oder die fründe, wo eim d hoor us em gsicht hebe, wenn me chotze mues.

lorena gsehsch wäge däm hani churzi hoor / hoor zämme bunde.

katja hesch au keini fründe.

fabian oder die lüt wo sich in dr badwanne umbringe, statt mit em zug. das isch au sälbstlos.

linda sälbstmord isch eh numme symptombekämpfig, s läbe isch d chrankheit. ich glaub scho lang nüm an d wirksamkeit vo sälbstmord.

5.: superhelden privat

armin als superheld bisch halt scho chli einsam. do wirdsch schnäll depro. muesch jo allne dini wohri identität vrschwige. süscht wän doch alli öpis vo dir. interview do. foti dört und immer muesch lächle und guet druf si. si finde di numme toll, wäge dine chräft, nit wäg dim charakter.

masa superhelde si sicher au mol truurig.
 gioja oder stell dr so ein mol privat vor.
 scene wechselt zu privater scene: jemand am kochen, kinder (fabian, armin) am spielen.
 francisco hoi schatz, ich bi zrugg. sorry, dass es länger gange isch. ha no miesse 2 babies us emene brennende huus rette.
 naomi aber schatz, das macht doch nüt. willsch e kaffi. hesch d milch mitbrocht, woni dr gseit ha.
 francisco ou nei, das hani vergässe.
 naomi chinder, gön dir churz ins oiches Lieblingszimmer? he?
 sie gehen
 frau geht auf superheld los.
 naomi immer vergissisch uns, immer muesch 'no öper rette'. dänk doch au mol an uns. si mir denn nüt wärt. mir sind au mensche, wo mien grettet wärde...
~~p~~ ~~oder wenn er mues schisse:~~
~~spielt klo scene nach. nach dem abdrücken, hat es ein loch in der schüssel.~~
~~alle: presse! presse! atme!~~

ton: explosion

daphne oder bim sex:
 2 frauen treffen sich mit je einem von der hand verdeckten auge.
 masa hesch au öpis mit ihm gha?
 katja jo, er het gseit er passi scho uf. aber sisch denn doch is aug...
 masa jo genau das het er mir au gseit. sone wixer!
 katja jä. jez isch er widr ein.
 maxi oder bim windle wächsle:
 ah, nit windle wächsle. (riecht) was hesch du gässe?!? das isch doch mi kryptonit. wieso hesch das gwüsst?!? wieso?!? arrghl.
 schmeisst baby nach hinten. stirbt dramatischen tod. baby wird gefangen, durchgereicht und fort.
 lukas geht zum toten und testet ihn ein wenig. er scheint tot zu sein.

6.: mein persönliches kryptonit und bessere superkräfte

lukas was isch ächt mi kryptonit? mi achilles färsch? bi was wird ich schwach und verletztlich? ei mol hani in chindergarte welle, aber i bi spot dra gsi. alli mini gspönli si scho wäg gsi. denn hani nit traute elei in chindergarte laufe und bi hei zum mami. denn het si mi miesse fahre. mit em velo. bi denn doch no rächtzittig cho. elei si isch mi kryptonit.
 christina ich bi niene chützelig. usser an de fiess. süscht niene. aber wenn du mi an de fiess chützelisch, denn drei i dure. denn garantieri für nüt!
 naomi du chasch mer alles näh, aber nit mi natel!
 christina wo ischs denn jetz?
 naomi abgschalte. so wie hoffentlich alli im publikum au! wehe s got eis ab! denn chumi aber abe! (wenn vorher eins abgeht: zu dir chömme mr spöter. wenn nachher eins abgeht: muesi abe cho?)
 carmen ich würd alles mache, so lang niemer s internet abschaltet. s internet isch eifach die grössti erfindig, wos je hetz gits. das döff me nie me abschalte. das isch wie, wenn me würd amne koma-patiänt dr stecker zieh. nur, dass dr patiänt die ganzi menschheit isch.
 lorena du würdsch alles mache? würllich alles?
 carmen alles! solange s heilige internet widr zu mir zrugg uf ärde chunnt. säg, was selli mache?
 lorena gump doch do abe.
 alle spring! spring! spring!

carmen geht an den rand, es ist hoch. carmen hat schiss.

carmen wart mol, wieso sell denn s internet zrugg cho, weni do abe gump. das isch doch däm internet egal, wo ich abe gump oder nit. isch s internet überhaupt wäg gange? und wenn jä: wo ane? schlofts internet eigentlich nie?

daphne i glaub s internet isch unsere noie gott.

alle im chor danke heiligs ewigs internet.

beten es. an ausser armin

armin gott isch dr erst superheld gsi, denn isch dr nietzsche cho und het en umbrocht. und jetz hei mer s internet als ersatz. so guet.

maxi sone scheiss. 'internet isch gott'. gott het immerhin d wält erschaffe und d maria schwanger gmacht.

jonas s internet het sogar mehreri virtuelli wälte erschaffe und macht no meh schwanger als dr heilig geist und dr zeus zämme. kennsch parship.ch?!

gioja nei, ich ken nur elite-partner.de. singles mit niveau und so.

carmen im internet isch plötzlich möglich, was sich d mensche usdänke und nüm, was irgend e gott in 7 täg sich us de finger sugt. dä isch eh chli komisch: macht in 7 täg s universum und brucht e rippli vomene ma, zum e frau mache.

francisco jo aber im netz muesch dr öpis nur no chönne vorstelle, und scho wirts wohr! was willsch? willsch berühmt si? im internet chasch mit eim chleine video über nacht berühmt wärde. kennsch das video vom bueb, wo fuz däne nach em zahnarzt vo sim vater gfilmt wird? 'is this real life? is this gonna be forever? uaaahhh!' dä hett 100'000 stutz becho.

masa kennsch das filmli mit em niesende panda? was macht dä mit em gäld?

jonas s internet bringt eifach alli mensche nöcher zämme. me lernt lüt kenne, wo me nie kenne glernt hätt, me erfahrt vo sache wo uf dr andere site vo dr wält si.

alle hängen sich ein, sind freunde.

armin jo drfür kennt me nit mol si nochber.

jonas was interessiert mi mi nochber? ich will kreativ si! ich will super-kreativ si! zum bispil will ich e chueche erfinde, wo us dräck isch, aber wie schoggi schmeckt: wälthunger glöst.

maxi ich erfind e döner-box-baum, wenni hunger ha, pflücki mer eifach e gable, vom gablebaum und iss mi dönerbox. nom!

katja ich erfind mensche, wo kohlestoff schnuffe und saurstoff furze. nei chüeh!

armin dure dreit, isch nit s gliche wie kreativ si.

jonas wart nur: ich bi jetz kreativ: ich mach e... ich erfind e... ich dank mer folgendes us: ich bi eure chef und dir liget mir zu füesse. hopp! zschhscshchsch!

alle anderen machen widerwillig mit. also eigentlich nur 2-3.

jonas hopp, düet mi lobprise!

(si murmeln und beten ihn an)

jonas lüter! gopf!

es bessert sich nicht.

jonas und gott sprach: es werde licht. und es ward licht.

licht wird heller

maxi ab!

licht geht aus.

jonas he! ich bi gott: a!

masa ab!

jonas a!

daphne ab!

kampf: a! ab! a ab a, ab, a, ab, ab, ababababababab!

licht geht ganz aus.

jonas jez heschs kaputt gmacht!

masa sorry.
jonas ach dir sit doch alles... das isch doch langwilig.

7.: humor als superkraft

maxi und a! doch nit so kreativ? wie wärs mit däm: humor! was macht e frau nach em sex?
si stört!

nur er lacht.

armin kennet dir dä: e junge pfarrer übernimmt zum erste mol d ferieverträtig vom alte pfarrer.

lukas wo ane got denn dr pfarrer ind ferie.

armin das isch glich. uf lloret del mar.

lukas waaas? macht dä dört party?

armin nei, si schwester wohnt dört. si isch chrank und stirbt gli.

fabian nei, was het si denn?

armin isch doch glich. krank halt. grippe.

naomi jo aber denn stirbt me doch nit. het si aids?

armin nei, wieso das denn?

masa wenn me aids het, cha me anere grippe stärke.

armin es got um e pfarrer. nit um aids. jedefalls will dr pfarrer in d ferie und dr jung pfarrer isch chli nervös, will das sis erste mol isch.

ein paar verdrücken sich das lachen (hihi. er het 'sis erste mol' gseit).

armin jo sis erste mol als pfarrer... also wo är ganz elei pfarrer isch.

linda ohh gaaanz elei. dä armi, armi pfarrer.

armin jedefalls frogt er dr alt pfarrer, was er denn de lüt bim bichte so sell säge. denn seit ihm dr pfarrer: *hab' keine Angst*, ich han dir do e spickzettel gmacht. dört stoht alles druf.

julian wo isch denn dä in d pfarrerschuel, dass dä nit weiss wie bichte got?

armin är weiss es eifach nit, will er nervös isch.

maxi aso wenn er denn scho nervös isch, het er velicht dr falschi bruef.

luca pfarrer si isch kei bruef, das isch e beruefig!

armin das isch jez glich! er bechunnt also die liste, dr pfarrer haut ab in d ferie.

katja jä wele jetz.

armin dr jung dank. nei, dr alt! gopf. also dr alt haut ab.

carmen witz verzelle mues me halt au no chönne, gäll.

armin ich cha scho witz verzelle, wenn me mi lot. dr jung pfarrer sitzt also in sim kabäuschen und dr ersti wo bichtet sitzt zu ihm ine.

daphne zu ihm? si die nit in verschidene kabine?

armin doch, aber si sitze sich vis a vis indäm beicht-teil.

masa beicht-stuehl heisst das.

armin jo, in däm beicht-stuehl sitze si jez. denn seit em dr ersti: er heigi gsündigt. er sig mit em traktor über es huehn vom nochbuur gfare und hez em nit gseit, sondern dehei gässe. und won er gfrogt het, denn het er gseit, är wüssi vo nüt.

marisa wär het gfrogt?

armin dr nochbuur, wo s huehn ghört het. denn luegt dr jungi pfarrer uf sinere liste und list: 'überfahren eines nachbarhuhnes, es selber essen und nicht zugeben, wenn der nachbuur fragt': 3 rosenkränze und ein vaterunser. denn isch widr guet. denn seit dr buur: ok danke, das machi. amen.

gioja und bim buur entschuldige mues er sich nit? und ihm e nois huehn gä?

armin nei, das fallt unter s beichtgheimnis. jedefalls isch dr nöchsti cho und seit: mi vater...

lorena hett dä jung pfarrer kinder gha?

armin nei das seit me so zum pfarrer, egal wie alt. er seit: ich ha gsündigt.

maxi aso jez dä noi beicht-typ?

armin jo. er seit: ich ha gsündigt. ich ha mini frau mit ere pistole bedroht. denn luegt dr jungi pfarrer widr uf si spick 'frau mit messer bedrohen. frau mit bombe bedrohen. frau mit spritze bedrohen. ah do: frau mit pistole bedrohen': 2 rosehränz und 2 vaterunser. denn isch widr guet.

francisco wieso git das jez weniger rosehränz aber meh vaterunser als wenn me e huehn überfahrt und s denn nit seit.

armin das spilt kei rolle. die wege des herrn sind unergründlich. jedefalls chunnt denn dr dritti typ in beichtstuehl: er seit, er heigi si frau betroge...

francisco dä isch sicher elei gsi. oder d frau het en schlächt behandelt.

jonas jojo. immer die usrede. er isch eifach e grusige arsch gsi.

katja oder eifach seksüchtig. denn cha n er au nüt meh drfür.

armin er isch eifach fremdgange.

carmen velicht seit er das am pfarrer au nur, um sich wichtig z mache, und er stoht uf e jung pfarrer. und vrsucht so in kontakt z cho.

armin nei keine vo dene isch schwul.

maxi bisch jez au no homophob?

armin wieso au no?

masa witz verzelle chasch ämel nit.

armin dir löt mi au nie! jedefalls findet er für... ah nei. er seit ebbe, dass er si frau betroge het und oralvercher gha het.

lorena aso het er si frau eigentlich mit ere frau betroge?

armin jo dänk.

lorena was dänk, dänk doch au mol an d homos, du nazi.

francisco und het er au mit dere frau, woner si frau betroge het, oralvercher gha?

armin jo. alles mit dr gliche andere frau. denn luegt dr jung pfarrer in sim spick noche und findet eifach nüt.

naomi was, er findet nüt für d frau betrüege?

armin doch das scho, aber nit für frau betrüege mit oralvercher.

luca oralvercher isch doch kei sünd. denn mues mes au nit bestrofe.

armin doch, in dr witzwält scho. und er het denn si frau mit herpes agsteckt. das isch z bestrofe.

naomi denn miesst er velicht eher unter 'eigeni frau nach em fremdgo mit herpes astecke' noche luege.

armin nei. er sucht und suecht. aber niene stoht öpis zu däm. denn got er gschwind us sim beicht-teil

carmen stuehl.

armin jo. use und frogt e ministrant, was es denn für oralvercher git.

daphne ich kenn nur dä mit em muul!

maxi wiso selle jetzt das die ministrante wüsse? die si jo no jünger als dr jung pfarrer.

armin das isch jo grad dr witz: er frogt se also was es für oralvercher git und denn säge d ministrante: 2 schoggistängeli und e glace.

niemand lacht.

katja chasch nomol vrzelle, i bi nit drus cho.

armin nei.

katja bitteeeee!

armin nei.

katja bitteee. für mich!

armin nei.

lukas und für mich?

armin nei.

julian für mi au nit?

armin vergiss es. ich find oich alli scheisse.

maxi hei, sig doch mol chli nätt zu uns.
jonas sitz doch mol ane, mach s dr bequem. (jemand ist stuhl)
lorena los dr mol lo guet due. mir sin für di do
armin lässt sich massieren. es gefällt.
masa geht zu armin massiert ihm zuerst den kopf und schreit ihm ins gesicht.
masa: super närv-woman.
schlägt sich auf brust oder pose oder sonstwas
masa gsehsch, das isch humor!

8.: noch bessere superkräfte braucht das land

armin sau lustig. weisch superhelde si eigentlich drfür do, dass si de mensche hälfe mit ihre superchräft. nit alles versaue.
carmen doch, es git au bösi superhelde: dr joker zum bispil. dä vo batman.
gioja dä cha mega schweri rätsel mache.
fabian das isch dr riddler, wo rätsel macht. dr joker, dä macht... jedefalls het dä keini superchräft. dr batman jo au nit.
jonas dr batman isch eifach sau riich und vrprasst s gäld vo sine tote eltere für irgend welche technische firlefanzen.
francisco bi de superhelde giz eh 2 sorte: die wo übernatürlichi fähigkeite hän und die wo eifach normali mensche sin mit bsundere waffe.
laura aber so wit wäg vo uns isch das jo nit. d brille isch au sone wärkzüg, wo eine, wo fast blind isch, wieder zum gseh bringt.
christina oder s telefon bringt unseri ohre i verbindig mit extreme distanze. s färnrohr lot ois sache gseh wo unändlich wit wäg sin. s mikroskop drfür sache, wo extrem chli si.
naomi und mikrophon loht unseri stimm e ganzes stadion fülle.
lorena und denn cha me das alles au no speichere. so überwinde mir sogar zit!
maxi im verglich zum altertum si mer jez scho ungläublich superigi mensche. mir behersche s füür. chöme ufe mond und uf e mars. chönne mit scanner in unseri hirn luege.
gioja jo, aber wenn s drum got, öperem ehrlich und diräkt sini meinig z säge, hörts scho uf.
francisco und das gschiss immer, wenn du öper chli töller fingsch. denn wird alles grad komisch.
linda und am schluss klappt s denn doch nie würllich.
daphne wird denn das nie besser?
lukas das wär mol e superchraft. me cha allne alles säge, wie mes genau meint. und si si nit igschnappt oder süscht irgendwie öpis. me chas eifach ganz normal und diräkt säge.
alle gehen an den bühnenrand. schauen sich das publikum an:
christina du hesch aber fettigi hoor.
maxi bisch du mit dere do? würllich?
daphne du hesch denn schöni brüst.
linda ich hass di
francisco ich find dich toll. und dich. und dich und dich!
lorena ich spiil immerno mit barbie.
julian mi Lieblingsfilm isch der könig der löwen.
mehrere min au!
jonas ich schwätz mit pflanze. und mit mir sälber.
maxi ich find mini naseböge schmecke guet!
gioja ich mues immer hüle bi sprützene.
naomi ich ha herpes genitalis
lorena ich au. (macht high five mit t)
carmen unsere regisseur isch e idiot.

armin mir mache das theater nur wäg em gäld.
luca theater isch scheisse und schauspiler sind arroganti pisser!
maxi wenni lach denn machi ind hose.
julian ich lieb di. uf ere skala vo 0 - 10, mit emene 7ni. di mitemene 6i. und du bisch e glatte 9e halber. bis jetz.
lorena isch jez das di ärnscht? bi mir bisch du höchstens e 2... komma 9! komma 9!
julian wenn ich mi miesst für ei superchraft entscheide, denn für die, dassi chönnt bestimme, wär in wär verliebt isch.
also: du mit ihm. du mit ihre. du mit... ihre. du und du. du und du. du und du und du uuunnd du! und du mit däm. so. alli verkupplet. ich bi so guet.
maxi und was isch mit dir?
julian ehm.
schaut ins publikum. schüttelt den kopf.
julian gseh grad nüt spannends.
versucht pärchen auseinander zu bringen, geht dazwischen. sie wehren sich. sie gibt auf.
julian mist. jez si alli guete scho vrgäh. denn bestimmi halt, wär wär hasst: die hasst ihn!...
die pärchen fallen auseinander. es gibt einen grossen streit. einer will, der ander nicht mehr. am ende sind alle traurig. kampfchoreo.
julian oh was isch? mues i di tröste? das chani nämli au so.
lukas jo. ich bi so verliebt gsi. und denn plötzlich isch er so gemein zu mir gsi. was hani falsch gmacht?
julian weisch, das isch halt mängisch so. do chame nüt mache.
mehrere ich bi au trurig.
julian chum zu mir! du au! du au!
alle liegen zu ihm in der mitte. si sind traurig.
julian würd i doch numme eimol im läbe vorusdänke...
jonas vorusdänke? kei problem. ich bi hellseher.

9.: das leben im schnelldurchlauf

lukas aso ich cha dr genau sage, wie mis läbe wird:
zerst machi d matur. dankschön.
erhält blatt als diplom.
lukas denn machi e zwüsche johr in südamerika. e halbs johr mindestens. gang in urwald.
die anderen stellen urwald nach.
lukas trink ayahuasca. und uf däm trip lern ich denn dr sinn vom läbe kenne.
wenni zrug chum, studier ich.... biologie, lern mi traumfrau kenne. ganz romantisch:
tanzen in disco. man kommt sich näher (angel auswerfen), ranholen, auf die knie gehen und heiraten.
alle summen hochzeitsmarsch.
lukas gli chunnt s erste chind: loredana, denn s zwoite: jeremy-pascal, denn s dritte:
trudgölü, denn s vierte: tinkabell-achilles-adonis, denn s fünfte: uschi, sächste:
eulario, 7te?!?! weiss au nüm. denn merki dass die gar nit vo mir sin. mir trenne uns.
lukas zum glück bini mittlerwile e bekannte und erfolgriche härzchirurg. jede härzinfarkt
isch für mi e glücksfall. d arbeit got nie us.
fallen um. defibrilator. clear. clear.
lukas und au mit de fraue lauft widr: mi 2ti, mi dritti, mi 4ti, mi 5ti, mi 6ti, mi 7ti?!? denn bini
z alt für dä scheiss. ich schaff und schaff und schaff, bis i pensioniert wird. ändlich
chani mi in mi garte zrug zieh und orchidee züchte. fleischfrässendi orchidee!
muahahahahahaha. ahhhhhh.
wird von den orchideen gefressen.
katja nei, aso nei. das sell e läbe si? aso mis wird do ganz anderst: zerst bestandi mi
matur als klasse besti. nei, als besti vom kanton, nei: vo dr ganze schwiiz. ich bi
überall so beliebt, dass i gar nit weiss, was i studiere wett. alli universitäte uf dr ganze

wält wän mi ha. zit für e zwüschejohr blibt aso nit. isch jo nur verschwändig. also machi das, woni am meiste hälfe cha: ich studier internationali beziehige und wird diplomatin. gli scho bin ich botschafterin vo afghanistan, denn vo dütschland, denn japan, denn usa und ganz am schluss: liechtestei.

dazu immer eine geste.

katja jez bin ich gli 40gi und die biologischi uhr tickt und tickt. aber irgend e alte, riche trottel findet sich immer, wo ein dure fietteret. mir hürote, ich loh mi vom golflehrer lo schwängere

golflehrer (max) hole in one!

katja und mi maa stirbt leider scho bald am ne 'unfall'.

sie weint, begräbnisszene. trauermarsch.

katja ich bi sooo trurig. zum glück erb ich alles, das tröstet mi gaaaanz e weneli über dä verlust hinwäg: shoppe!

einkaufsszene

katja mis chind chunnt natürlich ins internat. numme s beste isch guet gnue. und wiit wäg isch s au. ich bi so sportlich, dassi nit numme golf spil, sondern au tennis, fuessball, skisprunge und schach! (fällt dazu immer dem entsprechenden mann im arm)

katja leider wird i denn in argentinie entfiert und als geisle gno. aber will niemer zahlt, will ich niemerem 3 millione wärt bi, wird i verschosse und in dr pampa verscharrt. jänu.

lorena nei, aso nei. nach dr matur gang ich ind entwickligshilf. dort chasch no öpis bewege! ich flieg ins tiefste afrika zu de arme arme negerli. und hilf. bring ihne bi, was richtigi mensche si, was richtig schaffe heisst (zeigt immer auf sich), was die einzig wohri rasse isch uf dere ärde. nei, natürlich nit. i verlieb mi in so eine und nimm en mit ind schwiz. do läbe mer glücklich in unserem eifamiliehüsli in höllste. (mit schwarzer maske?)

alle in höllste ischs am töllschte!

lorena 2 chinder: es meitli und e bueb und e hund. chömme gli druf abe zu uns. denn fang ich avo jogge. dr new york marathon isch mis ziel. ich lauf und lauf und lauf. wie dr forrest gump. nüt cha mir öppis aha:

carmen grippe

lorena tshiu (wert nun alle bedrohungen ab). ich bi gsund.

daphne gebärmueterhalschräbs.

lorena ich bi gimpt!

katja betribig

lorena mi maa schafft!

maxi autounfall > querschnittglähmt

lorena ich gang an d paralympics und gwünn gold!

linda chind macht sälbstmord

lorena chani nüt drfür.

armin dr hund au!

lorena ich bi eh allergisch uf hundehoor.

masa du bisch ganz elei.

lorena na und, so lang i sport mache cha, isch alles guet!

hält an, atmet schwer.

lorena und denn: kreislaufkollaps. multiorganversage. tot. ändlich nüm miesse laufe, ändlich nüm vom läbe drvo laufe... fahre.

armin aso das isch mer vil z depro. nach dr matur!

alle wieder jeeee!

armin mues i zerst mol is militär.

spielen militär. (wär isch dumm und stinkt nach fisch? dr oberst uf em wickeltisch).

hand an kopf, spruch sagen, dabei in position gehen. dann marschieren und spruch 2x sagen. ende. hand runter.

armin denn nach dr RS gang i go jus studiere. ich schlies mit summa cum laude ab. sälbstverständlich wird i grad igstellt:

maxi was si händ e maturzünig vom münstergym? si sin igstellt.

armin merci. dr räscht vom läbe bini denn am büro und due firmene berote, wie si stüüre spare chönnte. langwilig. zum das kompensiere due ich mir e zweiti itendität zulegen. am tag bin ich beroter. z nacht gründ ich e armee, zum d wältherrschaft an mi z risse. alles foht zerst harmlos a: mit organisierte schlägereie in käller. denn machi seifi us em abgsugte fett vo riche lüt. und am schluss sprängi d hochhüser vo de kreditchartefirmene. oder hani zvil fight club gluegt?

irgendwenn wachi uf und merk, dass i das alles gar nit erläbt ha, sondern dass mir eine bi dr maturfiir LSD in champagner gmacht het und ich doch erst grad us dr schuel cho bi. ich nimm denn erst rächt droge und stirb, will ich mein, ich hätt superchreft und cha fliege. die superchraft hett mir also nit gholfe.

francisco weli superchräft würde denn hälfe, s perfekte läbe z läbe? mit welere chraft, erreicht me das?

maxi das isch jo grad dr witz am läbe, schlussändlich mues mes ganz elei mache. es hilft eim niemer drbi. und stärke mues me au elei.

carmen kei wunder giz so vil blödi lüt uf dere wält. es fot scho im chline a: di lüt wo ihri ichaufstäsche im volle zug näbe sich uf e sitz stelle.

marisa die wo d fiess uf e sitz mache.

daphne die wo wäg luege, wenn me aneluege sett.

katja und die wo ane luege, wenn me wägluege sett.

luca die wo d sänftube nit ufrolle.

fabian die wo die leeri milchgugge zrug in chielschrank stelle.

jonas die wo ihre hundedräck genau dört ane mache, wo ich dure lauf.

gioja die wo sich kei gedanke mache, wenn si sache chaufe.

maxi wo wiibeeri in gugelhopf mache.

marisa wo nach dr rolltrappe mol stoh blibe

katja wo d türe abschliesse, wenn si deheime sin. hallo, mir si in dr schwiiz!

10.: was ist ein held? ENDE

francisco was isch eigentlich genau e held oder e heldin?

christina e held isch ein wo hilft, obwohl er di nit kennt.

maxi e held isch eine, wo in ere ungewöhnliche situation, s sälbstverständliche macht. aso hilft, und nit eifach abhaut.

marisa ein wo sis läbe riskiert, zum anderne hälfe.

carmen mängmol isch eim aber au scho mit ganz eifache mittel gholfe: zum bispil 2 franke gschänkt becho, wenn eim s münz an dr kasse fehlt.

naomi oder e kaugummi, wenni chnoblauch gässe ha und i e date ha.

julian e nastüechli wenn d nase lauft.

luca oder all die ellei erziehende müettere und vätere, wo trozdam guet zu ihrne chinder si.

gioja jo und die wo no zämme si, si keini helde? das isch jo no schwieriger. immer mit em gliche.

fabian lueg mol was ich cha: ich cha mit de auge zittere. (zeigt).

lorena uhh. i cha drfür mini finger nach hinde klappe.

maxi i cha mit de hoor mache, als ob s e perügge isch.

armin i cha mit dr hand so umme ruge.

francisco i cha mit em aug furze!

alle ihhh

lukas jo i cha es ganzes theater mit mine gedanke stüre, und dir meinet alli, es sigi ächt.

alle jä, klar.

lukas glaubet ihr s nit, wart ich bewiss es.
er oder sie strengt sich gedanklich nochmal gaaaaaanz fest an.

ton: GONG

alle liegen wieder am boden und schlafen.

ton: wecker galore

alle wachen sehr verknittert auf. sind sehr müde.

daphne also wenni ei superchraft chönnt bhalte, denn die, dass i jede tag gärn ufstand und
nüm in d schuel mues.

choreo?

BLACK

du kommst nicht fertig zur welt, nein du wirst fertig gemacht.

*bratze